

**ЎЗБЕКИСТОН РЕСПУБЛИКАСИ ФАНЛАР
АКАДЕМИЯСИ МИНТАҚАВИЙ БЎЛИМИ
ХОРАЗМ МАЪМУН АКАДЕМИЯСИ**

ХОРАЗМ МАЪМУН АКАДЕМИЯСИ АХБОРОТНОМАСИ

Ахборотнома ОАК Раёсатининг 2016-йил 29-декабрдаги 223/4-сон қарори билан биология, қишлоқ хўжалиги, тарих, иқтисодиёт, филология ва архитектура фанлари бўйича докторлик диссертациялари асосий илмий натижаларини чоп этиш тавсия этилган илмий нашрлар рўйхатига киритилган

2021-1

**Вестник Хорезмской академии Маъмуна
Издается с 2006 года**

Бош муҳаррир:

Абдуллаев Икрам Искандарович, б.ф.д., проф.

Бош муҳаррир ўринбосари:

Ҳасанов Шодлик Бекпўлатович, к.ф.н., к.и.х.

Таҳрир ҳайати:

Абдуллаев Икрам Искандарович, б.ф.д., проф.

Абдуллаев Баҳром Исмоилович, ф-м.ф.д.

Абдуллаев Равшан Бабажонович, тиб.ф.д., проф.

Абдуҳалимов Баҳром Абдурахимович, т.ф.д., проф.

Аимбетов Нагмет Каллиевич, и.ф.д., акад.

Бабаджанов Хушнуд, ф.ф.н., проф.

Давлетов Санжар Ражабович, тар.ф.д.

Дурдиева Гавҳар Салаевна, арх.ф.д.

Дўсчанов Бахтиёр, тиб.ф.д., проф.

Ибрагимов Бахтиёр Тўлаганович, к.ф.д., акад.

Қодиров Шавкат Юлдашевич, қ/х.ф.н.

Ламерс Жон, қ/х.ф.д., проф.

Майкл С. Энжел, б.ф.д., проф.

Мирзаев Сирожиддин Зайниевич, ф-м.ф.д., проф.

Рахимов Рахим Атажанович, т.ф.д., проф.

Рўзибоев Рашид Юсупович, тиб.ф.д., проф.

Рўзимбоев Сапарбой, ф.ф.д., проф.

Рўзметов Бахтияр, и.ф.д., проф.

Садуллаев Азимбой, ф-м.ф.д., акад.

Салаев Санъатбек Комилович, и.ф.д., проф.

Сирожов Ойбек Очилович, с.ф.д., проф.

Сотипов Гойипназар, қ/х.ф.д., проф.

Тожибаев Комилжон Шаробитдинович, б.ф.д., академик

Холматов Бахтиёр Рустамович, б.ф.д.

Чўпонов Отаназар Отожонович, ф.ф.д., доц.

Шакарбоев Эркин Бердикулович, б.ф.д., проф.

Эрматова Жамила Исмаиловна, ф.ф.н., доц.

Эшчанов Рузумбой Абдуллаевич, б.ф.д., доц.

Ўразбоев Ғайрат Ўразалиевич, ф-м.ф.д.

Ўрозбоев Абдулла Дурдиевич, ф.ф.д.

Ҳажиева Мақсуда Султоновна, фал.ф.д.

Ҳасанов Шодлик Бекпўлатович, к.ф.н., к.и.х.

Хоразм Маъмун академияси ахборотномаси: илмий журнал.-№1 (70), Хоразм Маъмун академияси, 2021 й. – 314 б. – Босма нашрнинг электрон варианты - <http://mamun.uz/uz/page/56>

ISSN 2091-573 X

Муассис: Ўзбекистон Республикаси Фанлар академияси минтақавий бўлими – Хоразм Маъмун академияси

© Хоразм Маъмун академияси ноширлик бўлими, 2021

МУНДАРИЖА БИОЛОГИЯ ФАНЛАРИ

Dadayev S., Saparov K. Organik olam va hayvonot dunyosining zamonaviy sistemasi asosda yangi o'quv adabiyotlari yaratish	6
Ro'zimov A.D., Sheraliyev B.M., Yo'ldoshev K.R., Jalolov E.B. Quyi Amudaryo havzasi ixtiofaunasining hozirgi taksonomik holati	10
Абдуллаев Э.Н., Халимов Ф.З., Ҳамзаев Р.А., Раҳимов М.Р., Усанов У.Н., Алиев Д. Зарафшон тоғ тизмасида коврак (<i>Ferula kuhistanica</i>) энтомофаунасининг тур таркиби	15
Абдурасулова С.Ш., Базарова Р.Ш. <i>Candaharia rutellum</i> нинг биологияси ва ҳаёт цикли	22
Авезова У.М., Сатторова Ф.Ю., Маткаримов Н.Б. Тупроқ таркибидаги гумус миқдорининг ҳосил бўлишида ўсимликларнинг экологик аҳамияти	27
Акбаров Ф.И., Жабборов А.М., Тожибаев К.Ш. <i>Ranunculus rubrocalyx</i> Regel ex Kom. географик тарқалишини моделлаштириш ва унинг таҳлили	29
Бекчанов Х.У., Дусчанов У.Э., Комилжонов Г.К. Фауна жесткокрылых (<i>Insecta, Coleoptera</i>) Хорезмского оазиса	37
Ибадуллаева Ю.О., Рахматова К.И., Бозорова Г.С., Тожибоев Ш.Ж., Махкамов Т.Х. Ўзбекистон миллий гербарийси ноёб илмий объектида сақланаётган <i>Corydalis</i> Dc. туркуми турларининг таҳлили	40
Маткаримов Ф.И., Бабоев С.К. Микробиологик препаратларнинг мош (<i>Vigna radiate</i> L.) ўсимлиги маҳсулдорлигига таъсири	46
Рахимов М.Р. К фауне мух-журчалок (<i>Diptera, Syrphidae</i>) Зарафшанского хребта	49
Рашидов Н.Э., Қувватов С.Қ., Элмуродова Н.Н. Денгизқўлидаги балиқлар турини аниқлаш	54
Рўзиева И.Ж. Арзикли ва гипсли тупроқларнинг ўрганилиш ҳолати	57
Содиқова Д.Ғ., Нуралиев Х.Х., Мирзаев А.Э. Сурхон воҳасидаги дендрарий боғи	59
Хайдаров С.М., Хўжамшукуров Н.А., Абдиназаров Х.Х. <i>Daphnia magna</i> ни етиштиришда озуқа манбаи сифатида микросувўтларидан фойдаланиш	62
Халимов Ф.З. Особенности сезонной динамики почвенных хищников (<i>Coleoptera: Staphylinidae, Carabidae</i>) в агроландшафтах	65
ТАРИХ ФАНЛАРИ	
Aliev Sh. The life and heritage of Sufi Ollayor	70
Jumaeva N.A. Quyi Zarafshon vohasi dehqonchilik madaniyati tarixidan	72
Jumaniyozova S.Sh. Olim M.M. Gerasimovning ilm-fan taraqqiyotiga qo'shgan hissasi	76
Murodova D.Sh. Ta'lim muassasalari faoliyatiga doir Buxoro viloyati davlat arxivi fondlariga tavsif	78
O'tayeva F.X. Ashtarxoniyl hukmdorlari boshqaruv faoliyati mustaqillik yillaridagi matbuot talqinida	80
Абдиримов Р., Собиров С. Пахлавон Маҳмуд яшаган тарихий давр	83
Ахматов А.Ҳ. Таълим тизимида ислохотлар учун кураш	84
Бахриев О.А. “Ал-Жамиъ ас-Саҳиҳ” асарининг тўлиқ номи	87
Бекимметов У. Коллективлаштириш даврида Хоразмдаги немис меннонитларининг ер эгалиги	89
Бобожонова Ф.Х. Бухоро амирлигидаги жадид мактабларининг фаолияти	92
Кличев О.А. Қрим даврий матбуотида Бухоро амирлари ташрифларининг ёритилиши	96
Курбанов Б.Г. Средневековые литейные формы из Бухары	98
Қудратов Ш.Ё. Бухоро амирлигининг шарқ халқлари билан савдо алоқалари тарихидан	100
Қурбонова М.Б. Генерал-шаркшунос Н.С. Ликошин фаолиятига бир назар	103
Мансуров М. Собик Совет даврида туризмнинг ривожлантиришнинг мафкуравий асослари	106
Мансуров М.Ш. Совет иттифоқи йилларида Фарғона водийсида туризмнинг аҳволи	109
Мирзаев А.А. Совет иттифоқи йилларида Фарғона водийсида зиёрат туризмнинг ўзига хос хусусиятлари	113
Мубинов М.А. Дипломатические и посольские отношения среднеазиатских ханств с Османской империей	116
Раджабов О.А., Қаландаров Ҳ.Ҳ. Замонавий тарихшуносликда “Катта ўйин” масаласи	119
Салаев И.Б. Хоразм архитектурасида синч усулидан фойдаланиш ва унинг аҳамияти	123
Таджиева Ф.Дж. Хива хонлигида кулчилик муносабатларида аёллар ўрни масаласи	127
Тўраев А.И. Ўғуз қабила ва уруғларининг туркман халқини шаклланишидаги ўрни	129

видимо, для отливки браслетов, третья, из песчаника, — для отливки бубенца или подвески, четвертая — для отливки бус [7].

Заключение. Средневековые металлосты и ювелиры Бухары владели различными техниками литья [8] и как свидетельствуют вышеописанные литейные формы, широко применяли их в своей работе.

Каменные и керамические формы являются редкими для археологов находками. Мастера, использовавшие их в своей практике, уделяли большое внимание их хранению как важной части своего инструментария, позволявшего использовать различные технические приемы при изготовлении изделий и успешно конкурировать с другими мастерами.

СПИСОК ИСПОЛЬЗОВАННОЙ ЛИТЕРАТУРЫ:

1. Некрасова Е.Г. К истории сложения крепостных стен Арка Бухары (новые археологические данные)//Из истории культурного наследия Бухары. Ташкент, 1990, с. 15-27.
2. Мухамеджанов А.Р., Мирзаахмедов Д., Адылов Ш. Керамика нижних слоев Бухары//ИМКУ, выпуск 17, Ташкент, 1982, с. 81-97.
3. Беленицкий А.М., Бентович И.Б., Большаков О.Г. Средневековый город Средней Азии. Л., 1973.
4. Семенов Г.Л., Мирзаахмедов Дж.К. Материалы Бухарской экспедиции. Выпуск 1, СПб, 2000, с. 59.
5. Odgen Jack. Islamic goldsmithing techniques in the early medieval period// Islamic Rings and Gems. The Benjamin Zucker collection. London, 1987, P. 416, P. 42b, fig. 3
6. Hasson Rachel. Early Islamic Jewellery. Institute for Islamic Art: Jerusalem, 1987, P.100, table. 5
7. Акишев К.А., Байпаков К.М., Ермаков Л.Б. Позднесредневековый Отрар (XVI – XVIII вв.) Алма-Ата, 1981, с. 170
8. Малкиель И.К. Металлические сосуды вв. из Пайкенда// Древняя и средневековая культура Бухарского оазиса/Материалы конференции по результатам совместных Узбекско-Итальянских исследований в археологии и востоковедении. Самарканд-Рим, 2006, с. 69, 70.

УЎК 93/94

БУХОРО АМИРЛИГИНИНГ ШАРҚ ХАЛҚЛАРИ БИЛАН САВДО АЛОҚАЛАРИ ТАРИХИДАН

Ш.Ё. Қудратов, катта ўқитувчи, Бухоро давлат университети, Бухоро

Аннотация. Ушбу мақолада Бухоро амирлигининг XIX аср охири XX аср бошларида олиб борган савдо алоқалари тарихини ўрганиш, унинг шарқ халқлари билан ўзаро савдо муносабатларида тутган ўрни ва роли атрофлича таҳлил қилинган.

Калим сўзлар: савдо карвони, бозор, карвонсаройлар, карвон йўллари, сарроф, ипак, мўйна, жун, тери, бож, биржа, вассал, фирма

Аннотация. В данной статье анализируется изучение истории торговых связей Бухарского эмирата в конце XIX в начале XX веков, её роль и значение занятия в взаимной торговых связей с народами востока.

Ключевая слова: караванная торговля, каравансарай, караванные пути, меняла, шёлк, пушнина, шерсть, кожа, пошлина, биржа, вассал, фирма

Abstract. In the following article the analysis, of the study of history of trade relations of the Emirate of Bukhara, its role and significance relations with the people of the countries of the East is conducted.

Keywords: Trade caravan, market, caravansarays, caravan routes, exchanger, silk, fur, wool, leather, duties, stook, exchange, vassal, firm

Бухоро амирлигининг XIX аср охири XX аср бошларида олиб борган савдо алоқалари тарихини ўрганиш, унинг Ҳиндистон, Эрон каби давлатлар билан ўзаро муносабатларида тутган ўрни ва ролини таҳлил этиш тарих фанининг мураккаб ва долзарб муаммоларидан биридир.

Ўрта Осиёнинг шарқ халқлари билан ўзаро муносабатлари тарихида XIX асрнинг иккинчи ярми XX асрнинг бошлари алоҳида ўрин эгаллайди. Бу даврда ушбу ҳудудлар ўртасида ўзининг қадимий тарихий анъаналарига эга бўлган савдо иқтисодий ва маданий алоқалар анча кенгайган ва мустаҳкамланган. Бу алоқалар савдо карвонларининг келиб кетишида ўзининг ҳақиқий ифодасини топган. Турли манбаларда қайд этилишича, халқаро савдонинг йирик марказларидан бири бўлган Бухоро орқали ўтган савдо карвонларидаги турли-туман моллар эрамиздан аввалги II асрдаёқ шарқда шарқий Туркистон орқали Хитойга, шимолда Хоразм орқали шарқий Европага, жанубга Афғонистон ва Ҳиндистонга, ғарбда эса Эрон орқали Сурия ва Римгача етиб борган. Хитойдан бошланиб Яқин Шарққа Европа ва Америкага олиб борадиган Буюк ипак йўлида жойлашган Бухоро, Самарқанд, Хива каби шаҳарларда инсоният маданиятининг ноёб дурдоналари яратилган. Бухоронинг қулай сиёсий ва географик ўрни, унинг дунё қитъасидаги кўпгина халқларининг ўзаро савдо ва маданий алоқаларини шу тупроқ орқали олиб борилишини таъминлаган. Ваҳоланки, қадим карвон йўллари бизнинг еримиздан ўтган.

Бизнинг кўхна шаҳарларимизда ва бозорларимизда юзлаб лаҳжалар жаранглаган. Бухоро амирлиги шарқнинг кудратли давлатларидан бири бўлиб, Афғонистон, Эрон, Ҳиндистон, Хитой, Туркия каби ўнлаб мамлакатлар билан савдо-сотиқ алоқалари олиб борган. Бухоро амирлиги Ўрта Осиёдаги барча савдо марказлари учун ўзига хос биржалар ролини бажарган.

Ўз мустақиллигидан маҳрум бўлиб, вассал давлатга айлантирилгач, Бухоро амирлиги 1868 ва 1873 йилларда имзоланган Россия-Бухоро шартномаларига кўра, хорижий давлатлар билан мустақил дипломатик алоқалар олиб бориш ҳуқуқини йўқотган бўлса-да, рус ҳукуматига тобелигига қарамай, ғарб ва шарқ мамлакатлари билан савдо алоқаларини сақлаб қолган.

Шу жиҳатдан, икки қўшни, чегарадош мамлакатлар Бухоро ва Афғонистон ўртасида кечган савдо алоқалари тарихи диққатга сазовордир. Бу савдонинг ривожланишида икки мамлакатнинг қулай географик ўрни, ёндош қўшничилиги эмас, улардаги ўзаро савдо ривожига қулай шароитлар яратилганлиги ҳам муҳим омил бўлган. Бухоро, Қарши, Самарқанд, Ҳирот, Қобул, Мазори Шариф, Балх, Қуддус каби шаҳарлардаги қарвонсаройлар, турли хил моллар сақлайдиган жой, савдогарлар учун бошпана сифатида хизмат қилган.

Бухоро амирлигининг йирик савдо-иқтисодий марказлари - Бухоро, Қарши, Шеробод, Самарқанд ва Афғонистоннинг Қобул, Ҳирот, Маймана, Қуддус, Балх ва Қандаҳор каби шаҳарлари билан боғловчи қадимий қарвон йўллари икки мамлакатнинг иқтисодий турмушида муҳим ўрин тутган. Ҳерман Вамберининг ёзишича, Бухородан Эрон, Афғонистон ва Ҳиндистонга элтувчи энг серқатнов йўл бўлган Бухоро-Маймана-Ҳирот йўлини савдо қарвонлари 22-24 кунда босиб ўтган [1]. Қарвон савдосининг ривожига учун йўлларда яратилган қулайликлар билан бирга, Бухоро амирлиги шаҳарларида Шарқ мамлакатлари савдогарлари учун яратилган бир қатор имтиёзлар туфайли Бухоро, Қарши, Самарқанд каби шаҳарларда айрим афғон савдогарлари уй-жой куриб тургун яшаб қолганлар. Масалан, XIX асрнинг иккинчи чорагида 40 минг тилло (160 минг сўм) сармоя эгаси бўлган Бадриддин исмли афғон савдогари Бухоро шаҳрида “саройи Бадриддин”[2], XIX асрнинг иккинчи ярмида Рашид исмли бошқа бир афғон савдогари “саройи Рашид”[3] деб аталувчи хусусий қарвонсаройларни барпо этганлар. Амирликнинг Когон шаҳрида XX аср бошларида савдо билан шуғулланувчи 800 афғон истиқомат қилган [4]. Бухоро амирлиги билан савдо қилувчи афғон савдогарлари XIX асрнинг иккинчи ярмида Бухоро шаҳрида 12 та қарвонсаройни эгаллаганлар. Улар Пешовар-Қобул-Бухоро қарвон йўлидан фойдаланиб, Бухоро бозорларини чой, доқа, нил бўёғи, банарос кимхоби, чит, доривор гиёҳлар каби Хитой, Ҳинд, Инглиз моллари: жун, бўёқлар, тулки териси, pista, меш каби афғон моллари билан таъминлаганлар.

Афғонистонда, шунингдек бошқа хорижий мамлакатларда ишлаб чиқарилган молларнинг Бухорога келтирилиши ва савдосида Қобул, Ҳирот, Сарипул, Шибирғон, Маймана шаҳри савдогарлари фаол иштирок этганлар. Бухородан Қобулга турли хил газламалар, хом ипак, эчки тивити, қурол, сандиқ, рус молларидан: қумуш, темир, пўлат, қоғоз ва қанд келтирилган. Афғонистонда яшовчи аҳолининг Бухоро шойи чопонлари, адрас ва алачаси, шойи рўмолларига нисбатан талаби катта бўлган.

Бухорода ҳунармандчилик азалдан савдо-сотиқ билан узвий боғланган эди. Ҳунармандчилик маҳсулотларининг ички бозордаги савдосини бевосита ишлаб чиқарувчилар, ташқи бозордаги савдосини эса савдогарлар амалга оширар эдилар. Афғон савдогарлари Бухоро бозорларидан қумуш симлар, феруза, маржон, улардан тайёрланган зеб-зийнатлар ва чинни буюмлар харид қилишган. Бухоролик савдогарларнинг Бадахшон аҳолисидан сотиб олиб Бухорога келтирган Бадахшон ферузаси маҳаллий заргарлар меҳнати билан нафис безак буюмларга айлантирилгач, Афғонистон бозорларига юборилган. Россиянинг Ўрта Осиёдаги истелочилик ҳаракатлари 1868 йилда Бухоро амирлигининг унга қарам бўлиб қолганига олиб келган бўлсада, амирликнинг мустақил ташқи савдо алоқаларини тўхтата олмади. Вассал давлатларга айлантирилган Қўқон ва Хива хонликларига нисбатан кўпроқ ҳуқуқларини сақлаб қолган Бухоро амирлиги шарқ мамлакатлари билан қадимий савдо алоқаларини давом эттирди. Бироқ, аста секинлик билан бу алоқалар йўналиши Россиянинг иқтисодий манфаатларига бўйсундирила бошланди.

Англия ва Россия ўртасидаги Лорд Гренвил ва граф Шувалов томонидан имзоланган шартномага кўра, Россия Афғонистонни ўз таъсир доирасига қирмайдиган давлат деб тан олди. Англиянинг Афғонистон ташқи ишлари устидан ўз назоратини ўрнатиш Россия учун рус савдогарлари орқали афғон бозорларини эгаллаш имконини бермас эди. Натижада, рус-афғон савдосида бухоролик савдогарлар мавқеи кўтарилиб кетди. Бухородан Афғонистонга чиқарилаётган молларнинг умумий ҳажмида бухоролик ва афғонистонлик савдогарлар томонидан олиб чиқиб кетилаётган рус саноат молларининг улуши орта бошлади. 1894-1895 йилларга қадар Бухоро амирлигидан Афғонистонга ҳар йили чиқарилган 1 млн 500 минг сўмлик молнинг 200-300 минг сўмлик қийматдаги қисми бевосита амирликда ишлаб чиқарилган, қолган қисми эса рус мануфактурасининг моллари бўлиб [5], улар орасида газлама, чўян қозон, темир, оқ қанд, шакар ва атторлик моллари миқдори кўп бўлган.

Бухорога Афғонистондан ҳар йили, ҳар боғламада 10 дона тери бўлган 8.000 боғлам қоракўл тери келтирилар, афғон амирига қарашли бўлган бу терининг донаси 18 танга, боғлами эса 180 танга

кийматида сотилар эди. Афғонистоннинг шимолий вилоятлари етказиб берадиган 20 минг дона тулки терисининг ҳар донаси эса 15 тангадан сотилар эди. Умумий оғирлиги 5 минг той бўлган бу молларнинг ярми Калиф кечувидан, қолгани эса Шеробод орқали келтирилар эди [6].

Амирликнинг Афғонистон билан чегарадош вилояти бўлган Шерободда кўп микдорда пахта, ипак, буғдой, гуруч, арпа ва жўхори етиштирилар, Шеробод арпасинининг асосий қисмини Балхдан қўй сурувларини келтирувчи афғон савдогарлари харид қилишган. Бухоро ва Афғонистоннинг 1880 йиллардан кейинги ўзаро савдо алоқаларида чорва асосий ўринни ташкил этган. Маҳаллий аҳолининг, шунинг билан бирга Чоржўй, Когон, Карки ва Термизда жойлаштирилган 8 минг кишилик рус гарнизонларининг гўштга бўлган эҳтиёжларини қондириш ва бундан иқтисодий манфаат кўриш учун бухоролик савдогарлар шимолий Афғонистондан чорва олиб келтирганлар [7].

Афғонистонлик савдогарлар Бухоро бозорларини хитой, ҳинд чойлари, нил бўёғи ва инглиз докаси билан таъминлашда асосий мавқени эгаллашган. Бу савдода 1880-йилларнинг охири - 1890-йилларнинг бошларида 8 та савдо фирмаси иштирок этган бўлиб, улардан 7 таси афғон, 1 таси эса бухоролик савдогарларга қарашли бўлган. Бу фирмалар Пешовардан Қобул орқали Бухорога ҳар йили 45-50 минг пуд оғирлигидаги турли навли кўк чойни етказиб берганлар [8]. Бухоролик ва афғонистонлик тужжорлар фаолиятида саррофлар муҳим ўрин тутганлар. Улар шарқ дунёсининг банкирлари бўлиб, бир шаҳардан иккинчи шаҳарга йўл олувчи савдогарларнинг омонатини сақлаб туриш ва ўрнига чек қоғози бериш, бошқа ҳар хил пул бирликларига алмашлаб бериш вазифасини ҳам бажарганлар. Масалан, Бухорода саррофга ўз пулини бериб, чек қоғози олган савдогарлар Қобулга келгач, бу ерлик саррофдан ўз пулини юқоридаги чек қоғози орқали тўла қайтариб олган.

Ўзаро савдо алоқаларининг ривожига саррофларнинг қарзга пул беришлари ҳам алоҳида аҳамият касб этган. Шу боис, ҳар бир фуқаро қарз олиб, товар харид қилиш, уни хорижга чиқариб сотиш имкониятига эга бўлган. Сиёсий мустақилликни 1868 йилда бой берган амирликнинг ўз иқтисодий мустақиллигидан ажралиши, 1895 йилдан бошланди. 1895 йилга келиб Бухоро-Афғонистон чегарасида Калиф, Чушка, Ғузор, Паттакесар ва Айваж, амирлик ичкарасида Когон ва Қарши бекликларидан иборат божхона занжири ташкил топди [9].

XIX аср охирларига келиб, Россиянинг бож сиёсати туфайли Бухоро-Афғонистон савдоси ҳажмининг камайиши бошланди. Эндиликда, Бухоро бозорларига Россия саноати учун асосан афғон хом ашёси, Бухородан Афғонистонга эса маҳаллий моллардан ташқари рус саноати моллари чиқарилиши кучайди. Бухоро-Афғонистон савдо алоқалари аввалги даврларда бўлгани каби афғонистонлик ва бухоролик савдогарлар томонидан олиб борилиб, XX асрнинг 20-йилларига қадар давом этган. Бухоро амирлиги Афғонистон билан бирга шарқ халқлари сифатида тан олинган Хитой ва Ҳиндистон билан ҳам савдо-сотик ишларини олиб борган. Хитойнинг Шанхай шаҳрида Бухорога чой савдоси билан шуғулланадиган пешоварлик (ҳиндистонлик) савдогарларнинг алоҳида Каримбаёш савдо комиссияси уйи бор бўлиб, у улар учун кўк чой сотиб олади ва товарни Ботумига кўнгилли флотнинг кемаларида юборади. Бухорода “лўнка” деб аталадиган “hisson” чойидан соф 70000-80000 пуд юборилиб, божларнинг бирлашиши билан кўк чойнинг олий ва паст сортларига ҳар пудига 12 рублдан, Бухоро божхонасига йиғимлари учун ўртача йилига 1 млн рубль тушган.

1894-1900 йилларда Ҳиндистондан, Ҳимолайнинг жанубий- ғарбий ёнбошларидан, Пешовар атрофларидан 20 000-30.000 пуд чой олиб келинган. Бу чой Карочи портидан олиб келинган бўлиб, аслида Дара, Балампур ва бошқа округларда ёввойи ҳолда етиштирилган. Амирликда у “науғузур” ва “патта” деб аталган. Унга бўлган пошлина (бож) 6 рублдан 12 рублгача кўтарилганда, олий сортлар учун бўлган 14 рубль 40 тийинлик бож билан тенглаштириш учун бу чойнинг киритилиши деярли тўхтади.

Науғузур-кулранг дағал чой бўлиб, асосан эрталабки ширчойга, ғиштга ўхшаб тайёрланадиган саригёғ ва сигир сутидан қилинган махсус овқат учун озиқ моддаси сифатида истеъмол қилиш учун фойдаланилган. Ҳиндистондан олиб келинадиган чой амирликдаги 6 та карвонсаройда сақланган. Бу товарни ташишда баъзан 1000 дан 3000 гача туялар иштирок этиб, улар мазкур карвонсаройларда кўналға топишган [10].

Бухородан Ҳиндистонга 2000 пуд ипак ва ипак матолар ва қалин ипак матолар ва кўп бўлмаган микдорда бир неча ўн минг рублга мўйналар (аввало Нижегород ярмаркасида “вятка” олмахон думи ва бошқа мўйналар) олиб кетилган.

XIX асрнинг 40 йилларида Бухорога келган Жониф Вульф ҳам Бухородан Ҳиндистонга, Афғонистонга, Россия, Эронга савдо карвонларини мунтазам юборилганини қайд этади. Йил давомида Ҳиндистонга 2.000 туяда, Эронга эса 1.000 та туяда (Қобул орқали) товар юборилган. Бухородан Эронга асосан жун ва тери (ҳар йили қарийб 200000 бойлам) юборилган.

Бомбейдан 100.000 саллага дока ва 100.000 рублга амбарбўй рўмоллар, коралл ва бошқа қимматбаҳо тошлар олиб кирилган. Бухоронинг Ҳиндистон билан савдо айланмаси 4 миллион рублда ифодаланиб, унда амирлик рус божхонаси чегараси доирасига киритилган.

Хуллас, Бухоро амирлигининг қўшни шарқ халқлари билан олиб борган савдо алоқалари мамлакат ривожига ижобий таъсир ўтказиб, халқаро савдо –сотик алоқаларидаги дипломатик муносабатларининг янада тараққий этишига хизмат қилди.

Фойдаланилган адабиётлар рўйхати:

1. Вамбери Х. Путешествие по Средней Азии.-М.: 1867.-С.339.
2. Виткевича М.В. Записки о Бухарском ханстве (Записки).-М.: 1983.-С.101.
3. Сухарева О.А. Бухара XIX- начала XX в.-М.,1966 - С.57.
4. ЎзРМДА 1- фонд, 12-рўйхат, 1915-иш, 1-саҳифанинг орқаси.
5. Губаревич-Радобильский А. Экономический очерк Бухары и Туниса, опыт сравнительного исследования двух систем проректората.- Спб. 1905. -С.113.
6. Ремез И.А. Внешняя торговля Бухары: до мировой войны. 1922.-С.29.
7. Ремез И.А. Внешняя торговля Бухары: до мировой войны. 1922. -С.114.
8. Торговля Бухары. //Туркестанский сборник. М.: Т.526.-С.6.
9. Ремез И.А. Внешняя торговля Бухары: до мировой войны. 1922. -С.36.
10. Зияева Д.Х. Трансформация традиционной городской экономики Бухары в конце XIX в.- нач.XX вв. Центральная Азия. Человек –общество-государство. Москва -2013.-С. 225.

УЎК 93/94

ГЕНЕРАЛ-ШАРҚШУНОС Н.С. ЛИКОШИН ФАОЛИЯТИГА БИР НАЗАР

М.Б. Курбонова, доц., т.ф.н., Бухоро Давлат Университети, Бухоро

Аннотация. Ушбу мақолада ҳарбий генерал бўлсада, Туркистон тарихи ва унинг этномаданий ҳаётига қизиб қолган Нил Сергеевич Ликошиннинг ҳаёти ва илмий фаолияти баён қилинган.

Калим сузлар: Туркистон, ҳарбий гимназия, этнографик кузатишлар, туркистонишунослик, шарқишунос-автодидакт

Аннотация. В статье рассказывается о жизни и научной деятельности Нила Сергеевича Ликошина, который был военным генералом и увлекался историей Туркестана и его этнокультурной жизнью.

Ключевые слова: Туркестан, военная гимназия, этнографические наблюдения, тюркология, востоковедение-автодидакт

Abstract. This article describes the life and scientific activity of Neil Sergeevich Likoshin, who became a military general and became passionate about the history of Turkestan and its ethnocultural life.

Keywords: Turkestan, military gymnasium, ethnographic observations, Turkology, oriental studies

Россия империясининг Марказий Осиёга босқинчилик юришлари натижасида Туркистон генерал-губернаторлиги ташкил этилгач, мамлакат ҳарбийлаштирилган тартибга ўтди. Генерал-губернаторликнинг барча бошқарув аппаратида ҳарбийлар фаолияти йўлга қўйилди. Кичик зобитликдан генерал-лейтенант унвонига, шаҳар ҳокими ёрдамчисидан вилоят ҳарбий губернатори лавозимларини эгаллаган Нил Сергеевич Ликошин (1860-1922) Туркистонда қарийб 40 йил давомида хизмат қилган ҳарбийлардан бири эди. У рус миллатига мансуб мансабдорларнинг ўзбек тили ва ёзувини ўрганиб, аҳоли билан тўғридан тўғри мулоқот қилишларини йўлга қўйишлари ташаббусқори бўлган. Ликошиннинг ўзи ўзбек тилида гапирар, араб ёзувида хатосиз ёза оларди. У узоқ йиллик фаолияти даврида маҳаллий халқ тарихи, маданияти ва анъаналарини ўрганди ва бу ҳақда кўплаб маълумотлар ёзиб қолдирди.

Нил Сергеевич Ликошин (1860-1922 йй.) маълумоти бўйича ҳарбий бўлсада, Ўрта Осиё халқлари тарихи ва маданиятига жуда қизиқар эди. Шунинг учун ҳам Туркистонга келиши билан у мустақил тарзда тилларни ўрганади, кейин эса ишдан бўш вақтларида таржима фаолияти билан шуғулланади. Тарихшунос Б.В.Луниннинг таъкидлашича, Н.П.Остроумовнинг кундалигида Н.С.Ликошин ҳақида қуйидаги хотираларни учратиш мумкин: “16 июнь Шанба 1895 йил, кечкурун уйимга ёш офицер Н.С.Ликошин келди ва мендан Тошкент маҳаллий сартларининг тили ва турмуш тарзини махсус ўрганиш ҳақида кўрсатма беришимни сўради. Мен уйимга ташриф буюрган меҳмондан хурсанд бўлдим ва унинг эътиборини маҳаллий ерли аҳоли турмуш тарзи ва айниқса, диний эътиқодларининг муҳим томонларига қаратдим. Мен унга иккита китобча бердим. Н.С.Ликошиннинг сийратига мен жиддий, иқтидорли ва салоҳиятли инсонни кўрдим” [1].

Н.С.Ликошин ижтимоий қарама-қарши, мураккаб фигура. Оддий деҳқоннинг фарзанди Н.С.Ликошин аввал 2-Санкт-Петербург ҳарбий гимназиясида, сўнг 1-ҳарбий Павлов билим юртида яхши таълим олади ва ўз хоҳиши билан Тошкентни хизмат жойи сифатида танлайди. 1879 йилда унтер-офицерликдан ишини бошлайди. 1889 йилда эса капитан унвонида ўлка маъмурий – полиция бошқармаси хизматида ўтказилади. Н.С.Ликошин прапорщикликдан генерал-майор даражасигача, 1914-1917- йилларда эса Самарқанд вилояти ҳарбий губернатори лавозимигача бориб етади. У ўзининг меҳнатсеварлиги ва билими туфайли олий даражадаги муваффақиятларга эришади [2].